

續日本紀卷第卅

起延曆八年正月一盡二十年十二月一

右大臣正二位兼行皇太子傳中衛大將臣藤原朝臣繼繩等奉 勅撰

今皇帝

延曆八年春正月甲辰朔。日有蝕之。

己酉。宴五位已上於南院。授從五位上笠王正五位下。從五位下廣田王從五位上。无位葛井王從五位下。從四位下佐伯宿祢眞守從四位上。正五位下藤原朝臣菅繼從四位下。正五位下百濟王玄鏡正五位上。從五位上文室眞人与企。紀朝臣作良並正五位下。從五位下賀茂朝臣人麻呂。藤原朝臣園人。伊勢朝臣水通。津連眞道並從五位上。正六位上平群朝臣國人。紀朝臣伯。紀朝臣登万理。榎井朝臣靺鞨。田中朝臣大魚。安倍朝臣人成。巨勢朝臣道成。石川朝臣清濱。石川朝臣清成。大春日朝臣清足。藤原朝臣岡繼。石上朝臣乙名。大野朝臣仲男。角朝臣筑紫麻呂並從五位下。正六位上大綱公廣道。韓國連源。秋篠宿祢安人並外從五位下。以兵部卿從三位兼近江守多治比眞人長野爲參議。

壬子。參議大宰帥正三位佐伯宿祢今毛人上表乞骸骨。詔許之。

丁巳。以律師玄憐法師爲少僧都。

戊辰。參議宮內卿正四位下兼神祇伯大中臣朝臣子老卒。右大臣正二位清麻呂之第二子也。

己巳。授從四位上藤原朝臣延福正四位下。正五位上藤原朝臣春蓮。藤原朝臣勤子並從四位下正五位下伴田朝臣仲刀自正五位上。從五位上藤原朝臣慈雲。安倍朝臣黑女並正五位下。從五位下藤原朝臣眞貞。平群朝臣炊女。大原眞人明。无位多治比眞人邑刀自。藤原朝臣數子。紀朝臣若子並從五位上。外從五位下豐田造信女。岡上連綱。无位藤原朝臣惠子。正六位上菅生朝臣恩日。從六位上石上朝臣眞家。從六位下角朝臣廣江並從五位下。正六位上物部韓國連眞成。山代忌寸越足。從六位下采女臣阿古女並外從五位下。

甲戌朔 四

二月丁丑。以從五位下大原真人美氣爲尾張守。正五位下高賀茂朝臣諸雄爲參河守。從五位上文室真人子老爲安房守。正五位上百濟王玄鏡爲上總守。從五位下石川朝臣清濱爲介。近衛將監外從五位上池原公綱主爲兼下總大掾。式部大輔從四位下大中朝臣諸魚爲兼近江守。左兵衛督如故。從五位下紀朝臣長名爲越前介。大判事從五位上橋朝臣綿裳爲兼越中介。正五位上安倍朝臣家麻呂爲石見守。兵部大輔左京大夫從四位下藤原朝臣雄友爲兼播磨守。左衛士督如故。從五位下高倉朝臣石麻呂爲美作介。從五位上藤原朝臣園人爲備後守。從五位下百濟王教德爲讚岐介。

癸未。以從五位下橘朝臣安麻呂爲中務少輔。內藥正侍醫從五位上葉栗臣翼爲兼內藏助。從五位下巨勢朝臣總成爲造酒正。從五位上弓削宿祢塩麻呂爲左京亮。庚子。移自西宮。始御東宮。「東」

三月癸卯朔。造宮使獻酒食并種々玩好之物。

辛亥。諸國之軍會於陸奧多賀城。分道入賊地。

壬子。遣使奉幣帛於伊勢神宮。告征蝦夷之由也。

戊午。以從四位下大中朝臣諸魚爲神祇伯。式部大輔左兵衛督近江守如故。從五位下大中朝臣弟成爲少納言。從四位下紀朝臣犬養爲左大舍人頭。從五位下百濟王仁貞爲中宮亮。從五位上津連眞道爲圖書頭。東宮學士左兵衛佐伊豫介如故。外從五位下大綱公廣道爲主計助。從五位下安倍朝臣枚麻呂爲兵部少輔。從五位上藤原朝臣黑麻呂爲刑部大輔。從五位下藤原朝臣大繼爲大判事。從四位下石上朝臣家成爲宮內卿。從五位下矢庭王爲正親正。從五位上文室真人八嶋爲彈正弼。從四位下藤原朝臣菅繼爲左京大夫。從五位下角朝臣筑紫麻呂爲衛門大尉。從四位下藤原朝臣內麻呂爲右衛士督。越前守如故。從五位下大秦公忌寸宅守爲左兵庫助。從五位下爲奈真人豐人爲右兵庫頭。從五位下小野朝臣澤守爲攝津亮。外從五位下麻田連狃賦爲山背介。從五位下大伴王爲甲斐守。從五位上文室真人久賀麻呂爲但馬介。從五位下石川朝臣公足爲安藝守。正五位下栗田朝臣鷹守爲長門守。從五位上藤原朝臣園人爲大宰少貳。「廢造東大寺司。」

辛酉。以從五位下石上朝臣乙名爲大監物。正五位下中臣朝臣「白」常爲治部大輔。從五位下清海宿禰惟岳爲美作權掾。

夏四月庚辰。木工頭正四位下伊勢朝臣老人卒。

乙酉。先是。伊勢。美濃等關。例上下飛驒。關司必開見。至是。勅自

今以後。不得輒開焉。

丙戌。以從五位下安曇宿禰廣吉爲和泉守。從五位下田中朝臣淨人爲伊勢介。從五位下大野朝臣仲男爲安房權守。從五位下川村王爲備後守。

辛酉。美濃。尾張。參河等國。去年五穀不稔。饑餒者衆。雖加賑恤。不堪自

存。於是遣使開倉廩。准賤時價糶與百姓。其價物者收貯國庫。至於秋

收。買成穎稻。名曰救急。使其國郡司及殷富之民。不得交易。如有違

犯。科違勅罪矣。

庚子。伊賀國飢。賑給之。

五月癸丑。勅征東將軍曰。省比來奏狀。知官軍不進。猶滯衣川。以

去四月六日奏稱。三月廿八日。官軍渡河置營三處。其勢如暫足者。自爾以

還。經卅餘日。未審緣何事故。致此留連。居而不進。未見其理。夫兵貴拙

速。未聞巧遲。又六七月者計。應極熱。如今不入。恐失其時。已失其時。悔

何所及。將軍等應機進退。更無間然。但久留一處。積日費糧。朕之所

悔。唯在此耳。宜具滯由及賊軍消息。附驛奏來。

丙辰。先是。諸國司等。奉使人入京。無返抄歸任者。不預釐務。奪其公廩

。而在國之司。偏執此格。曾不催領。專煩使人。於是始制。如此之類。不

問入京。在國。共奪自己上之料。但逢附便使。不在奪限。

己未。太政官奏言。謹案令條。良賤通婚。明立禁制。而天下士女。及冠

蓋子弟等。或貪艷色。而奸婢。或挾淫奔。而通奴。遂使下氏族之胤。沒爲賤隸

。公民之後。變作奴婢。不革其弊。何導迷方。臣等所望。自今以後。婢之通

良。良之嫁奴。所生之子。並聽從良。其寺社之賤。如有此類。亦准上例。

放爲良人。伏望。布此寬恩。拯彼泥滓。臣等愚管。不敢不奏。伏聽

二天裁。奏可之。

庚申。播磨國揖保郡大興寺賤若女。本是讚岐國多度郡藤原郷女也。而以二慶雲元年歲次甲辰。揖保郡百姓佐伯君麻呂。詐稱己婢。賣与大興寺。而若女之孫小庭等申訴。日久。至是始得雪。若女子孫。奴五人婢十人。免賤從良。安房。

紀伊等國飢。賑給之。

丁卯。詔贈征東副將軍民部少輔兼下野守從五位下勳八等佐伯宿祢葛城正五位下。葛城寧軍入征。中途而卒。故有此贈也。

己巳。以從五位下賀茂朝臣大川爲神祇大副。從五位上調使王爲右大舍人頭。從五位下藤原朝臣繼彥爲主計頭。從五位下和朝臣家麻呂爲造兵正。正五位下中臣朝臣常爲宮內大輔。

庚午。信濃國筑摩郡人外少初位下後部牛養。无位宗守豐人等賜姓田河造。

六月甲戌。征東將軍奏。副將軍外從五位下人間宿祢廣成。左中軍別將從五位下池田

朝臣眞枚。与二前軍別將外從五位下安倍猿嶋臣墨繩等議。三軍同謀并力。渡河討賊。約期已畢。由是抽出。中後軍各二千人。同共凌渡。比至賊帥夷阿呂流

爲之居。有賊徒二百許人。迎逢相戰。官軍勢強。賊衆引遁。官軍且戰且燒至巢伏村。將与二前軍合上。勢。而前軍爲賊被拒不得進渡。於是。賊衆八百許人。

更來拒戰。其力太强。官軍稍退。賊徒直衝。更有賊四百許人。出自東山。絕官軍後。前後受敵。賊衆奪擊。官軍被排。別將丈部善理。進士高田道成。會津壯麻呂安宿戶吉足。大伴五百繼等並戰死。惣燒亡。賊居。十四村。宅八百許烟。器械

雜物如別。官軍戰死。廿五人。中矢二百卅五人。投河溺死。一千卅六人。裸身。游來。一千二百五十七人。別將出雲諸上。道嶋御楯等。引餘衆還來。於

是。勅征東將軍曰。省比來奏云。膽澤之賊惣集河東。先征此地。後謀深入者。然。則軍監已上寧兵。張其形勢。嚴其威容。前後相續。可以薄伐

而軍少將卑。還致敗績。是則其道。副將等計策之所失也。至於善理等戰

亡及士衆溺死者。惻怛之情。有切于懷。

庚辰。征東將軍奏。備。膽澤之地。賊奴輿區。方今大軍征討。剪除。村邑。餘黨

伏竄。殺^レ畧人物。又子波。和我。僻^{シテ}在^ニ深奧。臣等遠欲^ク薄伐。糧運有^レ艱。其^リ從^ニ玉造塞。至^ニ衣川營。四日。輜重受納^ニ一箇日。然^ル則往還十日。從^ニ衣川。至^ニ子波地。行程假令六日。輜重往還十四日。惣從^ニ玉造塞。至^ニ子波地。往還廿四日程也。途中逢^レ賊相戰。及妨^レ雨不^レ進之日不^レ入^ニ程内。河陸兩道輜重一萬二千四百卅人。一度所^レ運^フ糒。六千二百十五斛。征軍二萬七千四百七十人。一日所^レ食五百卅九斛。以^レ此支度。一度所^レ運。僅支^ニ十一日。臣等商量。指^ニ子波地。支度交闕。割^テ征兵^ヲ加^ニ輜重。則征軍數少。不^レ足^ニ征討。加^ニ以^ニ軍入。以來。經^ニ涉春夏。征軍輜重。並是疲弊。進^ニ之有^レ危。持^レ之^レ則^レ無^レ利。久屯^ニ賊地。運^ニ糧百里之外。非^ニ良策也。雖^モ蠢尔小寇。且^ツ連^ニ天誅。而水陸之田。不^レ得^ニ耕種。既失^ニ農時。不^レ滅^ニ何待。臣等所^レ議。莫^シ若^ニ解^レ軍遺^レ糧。支^ニ擬^ニ非常。軍士所^レ食。日二千斛。若^シ上^レ奏聽^レ裁。恐^ニ更多^ニ糜費。故^ニ今月十日以前解出之狀。牒^ニ知^ニ諸軍。臣等愚議。且^ツ奏^ニ且行。勅報曰。今省^ニ先後奏狀。曰。賊集^ニ河東。抗^ニ拒官軍。先征^ニ此地。後謀^ニ深入^ニ者。然^ル則不^レ利^ニ深入。應^ニ以^レ解^レ軍者。具^レ狀奏上。然後解出。未^ニ之晚也。而會^ニ不^レ進入。一旦罷^レ兵。將軍等策。其理安在。的^ニ知。將軍等畏^ニ憚^レ兇賊。逗留^{スル}所^レ爲也。功^ニ飭^ニ浮詞。規^ニ避罪過。不^レ忠之甚。莫^シ先^ニ於斯。又廣成。墨繩。久在^ニ賊地。兼經^ニ戰場。故委^ニ以^ニ副將之任。佇^ニ其力戰之効。而靜^ニ處營中。坐^ニ見^ニ成敗。差^ニ入^ニ裨將。還致^ニ敗績。事^ニ君之道。何^ニ其如此。夫師出^ニ無^レ功。良將所^レ恥。今損^レ軍費^レ糧。爲^ニ國家大害。關外之寄。豈^ニ其然乎。甲斐國山梨郡人外正八位下要部上麻呂等改^ニ本姓^ニ爲^ニ田井。古尔等爲^ニ玉井。鞠部等爲^ニ大井。解礼等爲^ニ中井。並^ニ以^ニ其情願也。

秋七月丁未。尙掃從四位上美作女王。散事正四位下藤原朝臣春蓮並卒。

甲寅。勅^ニ伊勢。美濃。越前等國曰。置^レ關之設。本^ニ備^ニ非常。今正朔所^レ施。區^ニ宇無^レ外。徒設^ニ關險。勿^レ用^ニ防禦。遂使^ニ中外隔絕。既失^ニ通利之便。公私往來。每致^ニ稽留之苦。無^レ益^ニ時務。有^レ切^ニ民憂。思^ニ革^ニ前弊。以^ニ適^ニ變通。宜^ニ其^ニ三國之關一切停廢。所^レ有^ニ兵器糧糒。連^ニ收^ニ於國府。自外館舍移^ニ建^ニ於便郡上矣。

乙卯。伊勢。志摩兩國飢。賑^ニ給^ニ之。

丁巳。勅持節征東大將軍紀朝臣古佐美等曰。得今月十日奏狀一備。所謂膽澤者。水陸万頃。蝦虜存生。大兵一舉。忽爲荒墟。餘燼縱息。危若朝露。至如軍船解纜。舳艫百里。天兵所加。前無強敵。海浦窟宅。非復人烟。山谷巢穴。唯見鬼火。不勝慶快。飛驒上奏者。今檢先後奏狀。斬獲賊首八十九級。官軍死亡千有餘人。其被傷害者。殆將二千。夫斬賊之首。未滿百級。官軍之損亡及三千。以此言之。何足慶快。又大軍還出之日。兇賊追侵。非唯一度。而云大兵一舉。忽爲荒墟。准量事勢。欲似虛饒。又眞枚墨繩等遣裨將於河東。則敗軍而逃還。溺死之軍一千餘人。而云一時凌渡。且戰且焚。攫賊巢穴。還持本營。是溺死之軍。而不論。又濱成等掃賊略地。差勝他道。但至於天兵所加。前無強敵。山谷巢穴唯見鬼火。此之浮詞。良爲過實。凡獻凱表者。平賊立功。然後可奏。今不究其輿地。稱其種落。馳驛稱慶。不亦愧乎。

乙丑。下野。美作兩國飢。賑給之。命婦正四位上藤原朝臣教貴卒。丁卯。脩後國飢。賑給之。

八月庚午朔。造宮官人已下。雜工已上。隨勞叙位。并賜物有差。

辛巳。以從五位下角朝臣筑紫麻呂爲中衛將監。從五位上紀朝臣木津魚爲右兵衛督。從五位下文室真人眞屋麻呂爲主馬頭。

庚寅。先是。參議正二位佐伯宿禰今毛人致仕。而罷其參議封戶。減半賜之。

下知民部以爲永例矣。

己亥。勅陸奥國人軍人等。今年田租。宜皆免之。兼給復二年。其牡鹿。小

田。新田。長岡。志太。玉造。富田。色麻。賀美。黑川等一十箇郡。與賊接居。

不等同等。故特延復年。

九月丁未。持節征東大將軍紀朝臣古佐美。至自陸奥。進節刀。

辛亥。以從五位上藤原朝臣黑麻呂爲治部大輔。從五位下紀朝臣伯爲玄蕃助。從

五位下布勢朝臣大海爲主稅頭。從五位上上毛野朝臣稻人爲刑部大輔。左少弁從五

位上安倍朝臣弟當爲兼下野守。

戊午。勅遣大納言從二位藤原朝臣繼繩。中納言正三位藤原朝臣小黑麻呂。從三位

紀朝臣船守。左兵衛佐從五位上津連眞道。大外記外從五位下秋篠宿祿安人等於太政

官曹司。勘問征東將軍等逗留敗軍之狀。大將軍正四位下紀朝臣古佐美。副將

軍外從五位下入間宿祿廣成。鎮守副將軍從五位下池田朝臣眞枚。外從五位下安倍

嶋臣墨繩等。各申其由。並皆承伏。於是。詔曰。陸奥國荒倫流蝦夷等乎討治

爾任賜志大將軍正四位下。紀古佐美朝臣等伊任賜之元謀。爾波不合順

進入倍支奧地。毛不究盡之敗。軍費糧還參來。是乎任法。爾問賜比支多米

賜倍久在止母承前爾仕奉。祗留事乎所念行。奈母不堪賜免賜布。又鎮守副將軍從

五位下。池田朝臣眞枚。外從五位下。安倍媛嶋臣墨繩等。愚頑畏拙

之進退失度。軍期乎毛闕怠。利。今法乎檢。爾墨繩者斬。刑爾當里。眞枚者解

官取。冠倍久在。然。墨繩者久。歷邊戍。仕奉。留勞。在爾緣。奈母斬。刑乎波免。賜

罪波免。賜。官。乎乃未取。賜。眞枚者。日上乃湊。之。之。溺。軍。乎扶。拯。閑。留。勞。爾。緣。奈。母。取。冠

人。乎波不。堪。賜免。賜久。止。宣。御。命。衆。聞。食。止。宣。是。日。右。大。臣。從。二。位。兼。中。衛。大

將藤原朝臣是公薨。詔。贈。從。一。位。是。公。贈。太。政。大。臣。正。一。位。武。智。麻。呂。之。孫。參。議。兵

部卿從三位乙麻呂之第一子也。爲人長大。兼有威容。實字中。授從五位下。

補三神祇大副。歷山背播磨守左衛士督。神護二年。授從四位下。歷內豎式部大輔

春宮大夫。寶龜末。至參議左大弁從三位。天應元年。加正三位。遷中衛大將兼

式部卿。俄拜中納言。中衛大將式部卿如故。轉大納言。延曆二年。拜右大

臣。中衛大將如元。是公曉習時務。割斷無滯。薨。時年六十三。

冬十月戊寅。以大納言從二位藤原朝臣繼繩爲兼中衛大將。

乙酉。散位從三位高倉朝臣福信薨。福信武藏國高麗郡人也。本姓背奈。其祖福德

屬唐將李勣。稜平壤城。來歸國家。居武藏。焉。福信卽福德之孫也。少年

隨伯父背奈行文入都。時與同輩。晚頭往石上衢。遊戲。相撲。巧用其力。能

勝其敵。遂聞內裏。召令侍內豎所。自是著名。初任右衛士大志。稍遷。

天平中授外從五位下。任春宮亮。聖武皇帝甚加恩幸。勝寶初。至從四位紫

...

微少弼。改本姓。賜高麗朝臣。遷信部大輔。神護元年。授從三位。拜造宮卿。兼歷武藏近江守。寶龜十年上書言。臣自投。聖化。年歲已深。但雖新姓之榮。朝臣過分。而舊俗之号高麗未除。伏乞。改高麗。以爲高倉。詔許之。天應元年。遷彈正尹兼武藏守。延曆四年。上表乞身。以散位歸第焉。薨時年八十一。

己丑。授正六位上巨勢朝臣野足從五位下。

辛卯。以從五位下巨勢朝臣野足爲陸奥鎮守副將軍。

丁酉。命婦從四位下大原真人室子卒。

十一月丁未。授造宮大工正六位上物部建麻呂外從五位下。

壬午。停止攝津職勸過。公私之使。

十二月乙亥。播磨國美囊郡大領正六位下韓鍛首廣富獻稻六万束於水兒船瀨。授外從五位下。

己丑。參議兵部卿從三位多治比真人長野薨。長野大納言從二位池守之孫。散位從四位下家主之子也。

庚寅。勅曰。朕有所思。宜停來年賀正之礼。又勅。頃者中宮不豫。稍經旬日。雖勤醫療。未レ有應驗。思歸至道。令復安穩。宜令畿内七道諸寺。

一七箇日讀誦大般若經焉。

乙未。皇太后崩。

丙申。以大納言從二位藤原朝臣繼繩。參議彈正尹正四位上神王。脩前守正五位上當麻王。散位從五位上氣多王。内礼正從五位下廣上王。參議左大弁正四位下紀朝臣古佐美。宮内卿從四位下石上朝臣家成。右京大夫從四位下藤原朝臣菅繼。右中弁正五位下文室真人與企。治部大輔從五位上藤原朝臣黑麻呂。散位從五位上桑原公足床。出雲守從五位下紀朝臣兄原。雅樂助外從五位下息長真人淨繼。大炊助外從五位下中臣栗原連子公。六位已下官九人爲御葬司。中納言正三位藤原朝臣小黑麻呂。參議治部卿正四位下壹志濃王。阿波守從五位上小倉王。散位從五位下大庭王。正五位下藤原朝臣眞友。因幡守從五位上文室真人忍坂麻呂。但馬介從五位上文室眞人久

賀麻呂。左少弁從五位上阿倍朝臣弟當。彈正弼從五位下文室真人八嶋。六位已下官十四人爲山作司。信濃介從五位下多治比真人賀智。安藝介外從五位下林連浦海。六位已下官八人爲養民司。左衛士佐從五位下巨勢朝臣嶋人。丹波介從五位下丹比宿祢眞淨。六位已下官二人爲作路司。差發左右京。五畿內。近江。丹波等國役夫。天皇服錫紵。避正殿御西廂。寧皇太子及群臣舉哀。百官及畿內。以卅日爲服期。諸國三日。並寧所部百姓舉哀。但神鄉者不在此限。勅曰。中宮七七御齋。當來年二月十六日。宜令天下諸國々分二寺見僧尼。奉爲誦經焉。又每二七日。遣使諸寺誦經。以追福焉。

明年正月十四日辛亥。中納言正三位藤原朝臣小黑麻呂寧誅人奉誅。上謚曰天高知日之子姬尊。

王子。葬於大枝山陵。皇太后姓和氏。諱新笠。贈正一位乙繼之女也。母贈正一位大枝朝臣眞妹。后先出自百濟武寧王之子純陀太子。皇后容德淑茂。夙著聲譽。太宗高紹天皇龍潛之日。媪而納焉。生今上。早良親王。能登內親王。寶龜年中。改姓爲高野朝臣。今上卽位。尊爲皇太夫人。九年追上尊號。曰皇太后。其百濟遠祖都慕王者。河伯之女感日精而所生。皇太后卽其後也。因以奉謚焉。

九年春正月癸亥。以從二位藤原朝臣繼繩。正三位藤原朝臣小黑麻呂。正四位上神王。正四位下紀朝臣古佐美。從四位上和氣朝臣清麻呂。正五位下文室真人与企。從五位上藤原朝臣黑麻呂。百濟王仁貞。三嶋真人名繼。從五位下文室真人八嶋。爲周忌御齋會司。六位已下官九人。

丁卯。百官釋服從吉。是日大稜。

二月乙酉。大宰員外帥從三位藤原朝臣濱成薨。濱成贈太政大臣正一位不比等之孫。兵部卿從三位麻呂之子也。略涉群書。頗習術數。以宰輔之胤。歷職內外。所坐。吏民患之。寶龜中。至參議從三位。歷彈正尹刑部卿。天應元年。

壬辰。民部省加置大丞一人。主計寮少允少屬各一人。越前。肥後二國各掾一人。

癸巳。授從五位上紀朝臣木津魚正五位下。外從五位上池原公綱主。外從五位下入間宿祢廣成。正六位上吉備朝臣与智麻呂並從五位下。

甲午。詔以大納言從二位藤原朝臣繼繩爲右大臣。中納言正三位藤原朝臣小黑麻呂爲大納言。從四位上大伴宿祢潔足。從四位下石川朝臣眞守。大中臣朝臣諸魚。藤原朝臣雄友並爲參議。授從三位紀朝臣船守正三位。正五位上當麻王從四位下。无位謂奈王從五位下。正四位下紀朝臣古佐美正四位上。從四位上和氣朝臣清麻呂正四位下。正五位上文室眞人高嶋。百濟王玄鏡並從四位下。從五位上百濟王仁貞正五位上。從五位上羽栗臣翼正五位下。從五位下藤原朝臣末茂從五位上。正六位上百濟王鏡仁從五位下。是日。詔曰。百濟王等者朕之外戚也。今所以擢一兩人。加授爵位也。

三月己亥。正六位上秦造子嶋。從六位下大田首豐繩並授外從五位下。

庚子。停節宴。以凶服雖除忌序未周也。日向權介正五位上勳四等百濟王俊哲免其罪令入京。

丙午。以從五位下巨勢朝臣嶋人爲山背守。左衛士佐如故。從五位下藤原朝臣今川爲伊勢介。從五位下大原眞人美氣爲尾張守。雅樂頭正五位下文室眞人波多麻呂爲兼參河介。鼓吹正外從五位下奈良忌寸長野爲兼遠江介。從五位上藤原朝臣黑麻呂爲駿河守。木工助外從五位下高篠連廣浪爲兼介。從五位下都努朝臣筑紫麻呂爲武藏介。從五位下大野朝臣仲男爲安房守。參議彈正尹正四位上神王爲兼下總守。從五位下入間宿祢廣成爲常陸介。大藏大輔正五位下藤原朝臣乙殷爲兼信濃守。侍從如故。從五位下平群朝臣清麻呂爲介。從五位上多治比眞人濱成爲陸奥按察使兼守。近衛少將從五位下坂上大宿祢田村麻呂爲兼越後守。內匠助如故。從五位下大宅朝臣廣江爲丹後守。從五位下藤原朝臣仲成爲出雲介。從五位上藤原朝臣末茂爲美作守。正五位下中臣朝臣常爲紀伊守。圖書頭從五位上津連眞道爲兼伊豫守。東宮學士左兵衛佐如故。從五位下高橋朝臣祖麻呂爲介。正五位下文室眞人那保企【本名与企】爲大宰大貳。正五位下粟田朝臣鷹守爲肥後守。從五位下百濟王鏡仁爲豐後介。

辛亥。伯耆。紀伊。淡路。參河。飛驒。美作等六國飢。賑給之。

壬戌。以正五位上百濟王仁貞爲左中弁。正五位下多治比真人宇美爲右中弁。從五位下藤原朝臣眞鷲爲右少弁。從五位下藤原朝臣弟友爲侍從。從五位下物部多藝宿祢國足爲圖書助。常陸大掾如故。從四位下藤原朝臣內麻呂爲內藏頭。右衛土督越前守如故。左京大夫從四位下藤原朝臣菅嗣爲兼陰陽頭。正五位下紀朝臣木津魚爲內匠頭。從五位下百濟王元信爲治部少輔。外從五位上毛野公薩摩爲主稅助。從四位上大伴宿祢潔足爲兵部卿。正五位下藤原朝臣乙叡爲大輔。侍從信濃守如故。從五位下甘南備真人淨野爲少輔。從五位下藤原朝臣岡繼爲大判事。從五位下和朝臣國守爲大藏少輔。外從五位下錦部連家守爲織部正。從五位上紀朝臣難波麻呂爲宮內大輔。從五位下藤原朝臣弟友爲少輔。侍從如故。左中弁正五位上百濟王仁貞爲兼木工頭。從五位下大神朝臣人成爲大膳亮。從五位下紀朝臣登麻理爲彈正弼。從五位下巨勢朝臣人公爲左京亮。從五位下安倍朝臣人成爲春宮大進。從五位下百濟王忠信爲中衛少將。正五位下紀朝臣木津魚爲衛門督。內匠頭如故。從五位下佐伯宿祢繼成爲佐。外從五位下大田首豐繼爲左衛土大尉。從五位上伊勢朝臣水通爲右衛土佐。兵部大輔正五位下藤原朝臣乙叡爲兼右兵衛督。大外記從五位下秋篠宿祢安人爲兼佐。皇后宮亮正五位下大伴宿祢弟麻呂爲兼河內守。外從五位下麻田連眞淨爲伊勢介。外從五位下息長真人淨繼爲尾張介。從五位下田中朝臣清人爲下總介。從五位下文室真人八嶋爲伯耆守。從五位下多治比真人繼兄爲大宰少貳。

丙寅。參河。美作二國飢。賑給之。

閏三月丁卯朔。從四位上清橋女王卒。

庚午。勅爲征蝦夷。仰下諸國令造革甲二千領。東海道駿河以東。東山道信濃以東。國別有數。限三箇年並令造訖。

丙子。有勅。度二百人出家。又左右京五畿內高年鰥寡孤獨疥疾。不能自存者。普加賑恤。並爲皇后不豫也。是日皇后崩。

丁丑。天皇移御近衛府。以從二位藤原朝臣繼繩。正四位上神王。從四位下當

麻王。從五位上氣多王。從五位下廣上王。正四位上紀朝臣古佐美。從四位下石上朝臣家成。藤原朝臣雄友。藤原朝臣內麻呂。正五位下文室真人那保企。從五位上藤原朝臣黑麻呂。桑原公足床。阿倍朝臣廣津麻呂。外從五位下高篠連廣浪。中臣栗原連子公爲御葬司。六位已下官八人。正三位藤原朝臣小黑麻呂。正四位下壹志濃王。從五位下大庭王。從四位下藤原朝臣菅繼。文室真人高嶋。正五位下文室真人八多麻呂。藤原朝臣眞友。從五位下文室真人八嶋。藤原朝臣眞鷲爲山作司。六位已下官十二人。從五位下多治比真人賀智。外從五位下林連浦海爲養民司。六位已下官五人。從五位下巨勢朝臣嶋人。丹比宿祢眞淨爲作路司。六位已下官三人。差發左右京。五畿內。近江。丹波等國役夫。令下京畿七道。自今月十八日始素服。擧哀。以晦日爲限焉。

壬午。詔曰。朕以寡德臨馭。寰區國哀相尋。災變未息。轉禍爲福。德政居先。思布仁恩。用致安穩。宜可大赦天下。自延曆九年閏三月十六日昧爽以前大辟已下。罪無輕重。已發露。未發露。已結正。未結正。繫囚見徒。私鑄錢。八虐。強竊二盜。常赦所不免者。咸皆赦除。其延曆三年以往天下百姓所負正稅未納言上。及調庸未進者。咸免除。是縱末言上無由徵納者亦免之。神之稻宜准此例焉。

甲午。參議左大弁正四位上紀朝臣古佐美孿誅人奉誅。謚曰天之高藤廣宗照姬之尊。是日葬於長岡山陵。皇后。姓藤原氏。諱乙牟漏。贈內大臣贈從一位良繼之女也。母尚侍贈從一位阿倍朝臣古美奈。后姓柔婉。美姿。儀閑於女則。有母儀之德焉。今上之在儲宮也。納以爲妃。生皇太子。賀美能親王。高志內親王。及於即位立爲皇后。薨時春秋卅有一。

乙未。勅東海相摸以東。東山上野以東。東山上野以東。諸國。乾脩軍糧糒十四萬斛。爲征蝦夷也。

丙申。百官釋服大稜。

夏四月庚子。授正五位下文室真人那保企正五位上。

辛丑。仰大宰府令造鐵胄二千九百餘枚。脩前。阿波二國飢。賑給之。

癸丑。以從六位下出雲臣人長爲出雲國造。

乙丑。和泉。參河。遠江。近江。美濃。上野。丹後。伯耆。播磨。美作。備前。備

中。紀伊。淡路等十四國飢。賑給之。

五月戊辰。大藏卿從四位上石川朝臣豐人卒。

庚午。陸奧國言。遠田郡領外正八位上勳八等遠田公押人歿云。己既洗濁俗。更欽

清化。志同內民。風仰華土。然猶未免田夷之姓。永貽子孫之恥。伏望

一同民例。欲改夷姓。於是賜姓遠田臣。

癸酉。以外從八位上紀直五百友爲紀伊國造。

丙戌。遣使五畿內祈雨焉。

甲午。以災旱經月。公私焦損。詔奉幣畿內名神。以祈嘉澍焉。

六月戊申。於神祇官曹司行神今食之事。先是頻屬國哀。諒闇未終。故避

內裏而於外設焉。

辛酉。內廐頭從五位上三嶋真人名繼爲兼美作守。

秋七月辛巳。左中弁正五位上兼木工頭百濟王仁貞。治部少輔從五位下百濟王元信。

中衛少將從五位下百濟王忠信。圖書頭從五位上兼東宮學士左兵衛佐伊豫守津連眞道

等上表言。眞道等本系出自百濟國貴瀆王。貴瀆王者百濟始興第十六世王也。

夫百濟太祖都慕大王者。日神降靈。奄扶餘而開國。天帝授錄。惣諸韓而稱

王。降及近肖古王。遙慕聖化。始聘貴國。是則神功皇后攝政之年也。

其後輕嶋豐明朝御宇。應神天皇。命上毛野氏遠祖荒田別。使於百濟搜聘

有識者。國主貴瀆王恭奉。使旨。擇採宗族。遣其孫辰孫王【一名智宗王】隨

使人朝。天皇嘉焉。特加寵命。以爲皇太子之師矣。於是始傳書籍。大闡

儒風。文教之興。誠在於此。難波高津朝御宇。仁德天皇。以辰孫王長子太阿

郎王爲近侍。太阿郎王子亥陽君。亥陽君子午定君。午定君生三男。長子味沙。

仲子辰尔。季子麻呂。從此而別。始爲三姓。各因所職。以命氏焉。葛井。船。

津連等卽是也。逮于他田朝御宇。敏達天皇御世。高麗國遣使上烏羽之表。羣

臣諸史莫之能讀。而辰尔進取其表。能讀巧寫。詳奏表文。天皇嘉其篤學。

深加賞歎。詔曰。勤乎懿哉。汝若不愛學。誰能解讀。宜從今始。近侍殿中。既而又詔東西諸史曰。汝等雖衆。不_レ及_二辰尔_一。斯並國史家牒。詳載其事。矣。伏惟。皇朝則_レ天布_レ化。稽_レ古垂_レ風。弘澤浹_二乎羣方_一。轂政覃_レ於品彙。故能修_レ廢。繼_レ絕。萬姓仰而賴_レ慶。正_レ名辨_レ物。四海歸_レ而得_レ宜。凡有_レ懷_レ生。莫_レ不_二抃躍_一。眞道等先祖。委_二質_一。聖朝。年代深遠。家傳_二文雅之業_一。族掌_二西庠之職_一。眞道等生逢_二昌運_一。預_レ沐_二天恩_一。伏望。改_レ換_二連姓_一。蒙_レ賜_二朝臣_一。於是。勅_レ回_レ居賜_二姓菅野朝臣_一。

乙酉。正五位上坂上宿祢又子卒。故左京大夫從三位苅田麻呂之女也。天皇之在_二儲宮_一也。以_レ選入_二生_二高津內親王_一。

戊子。從五位下紀朝臣皆麻呂爲_二少納言_一。從四位下石川朝臣眞守爲_二右大弁_一。從五位上調使王爲_二左大舍人頭_一。從五位上藤原朝臣刷雄爲_二右大舍人頭_一。近衛少將從五位下藤原朝臣繩主爲_二兼式部少輔_一。倫前介如_レ故。從五位上阿保朝臣人上爲_二大學頭_一。從五位上藤原朝臣是人爲_二治部大輔_一。從五位下文室眞人大原爲_二少輔_一。從五位上藤原朝臣眞作爲_二大藏大輔_一。從四位下紀朝臣犬養爲_二大膳大夫_一。從五位上葛井連根主爲_レ亮。從五位下大春日朝臣清足爲_二官奴正_一。正五位下葛井連道依爲_二春宮亮_一。從五位下大伴宿祢蓑麻呂爲_二中衛少將_一。從五位下藤原朝臣今川爲_二伊勢守_一。從五位上宗形王爲_二讚岐守_一。從五位下百濟王元信爲_二肥後介_一。

八月乙未朔。大宰府言。所部飢民八万八千餘人。請加_二賑恤_一。許_レ之。

九月丙寅。於_二京下七寺_一誦_レ經。爲_二皇太子寢膳乖_レ適也_一。

己巳。授_二從五位下川村王從五位上_一。

辛未。詔_二以_二善謝法師_一。尋_二定法師_一。並爲_二律師_一。

甲戌。奉_レ伊勢太神宮相嘗幣帛。常年。天皇御_二大極殿_一遙拜而奉。而緣_下在_二諒闇_一。不_レ上行_二常儀_一。故_二以_二幣帛_一直付_二使者_一矣。

丙子。詔曰。朕_二以_二寡昧_一忝_レ馭_二寰區_一。旰食宵衣。情存_二撫育_一。而至和靡_レ屈。炎旱爲_レ災。田疇不_レ修。農畝多廢。雖_レ豐儉有_レ時。而責深。在_レ予。今聞京畿

失_レ稔。甚_二於外國_一。兼_レ苦_二疾疫飢饉_一者衆。宜_レ免_二左右京及五畿內今年田租_一以息

中窮弊^上 神寺之租亦宜^レ准^ス此^ニ焉。

己卯。攝津職貢^ニ白鼠赤眼^一。

冬十月甲午。復置^ニ鑄錢司^一。

乙未。散位正三位佐伯宿祢今毛人薨^ス。右衛士督從五位下人足之子也。天平十五年。

聖武皇帝。發^レ願始建^ニ東大寺^一。徵^シ發^シ百姓^ヲ。方事^ニ營作^ヲ。今毛人爲^ニ領^ニ催^レ檢^ス。

頗^ル以^ニ方便^一勸^メ使役民^ヲ。聖武皇帝。錄^シ其^ノ幹勇^ヲ。殊任^ニ使^シ之^ヲ。勝寶初。除^ニ大

和介^一。俄授^ニ從五位下^一。累遷。寶字中至^ニ從四位下^一攝津大夫。歷^ニ播磨守大宰大

貳左大弁皇后宮大夫^一。延曆初授^ニ從三位^一。尋拜^ニ參議^一。加^ニ正三位^一。遷^ニ民部卿^一。皇

后宮大夫如^レ故。五年出^ニ爲^ニ大宰帥^一。居^ニ之^一三年。年及^ニ七十^一。上^レ表乞^ニ骸骨^一。

詔許^レ之。薨^ス。時年七十二。

丙午。高年人道守臣東人於^ニ內裏^一引見。時年一百廿二歲。其髮尙多。聰如^ニ少年^一。

矜^ニ其衰邁^一。賜^フ之衣服^ヲ。

己酉。從五位下多治比真人乙安爲^ニ鑄錢長官^一。

辛亥。征^ニ蝦夷^一有^レ功者四千八百卅餘人。隨^ニ勞輕重^一授^レ勳進^階。並依^ニ天應元

年例^一行^レ之。

癸丑。太政官奏言。蝦夷千紀久連^王誅^ニ大軍奮擊^一。餘孽未^レ絕。當今坂東之國。

久疲^ニ戎場^一。強壯者以^ニ筋力^一供^レ軍。貧弱者以^ニ轉餉^一赴^レ役。而富饒之輩。頗免^ニ此

苦^一。前後之戰。未^レ見^ニ其勞^一。又諸國百姓。元離^ニ軍役^一。徵發之時。一無^レ所預^ル。計

其勞逸。不^レ可^レ同^レ日。普天之下。同曰^ニ皇民^一。至於^ニ舉^レ事^一。何無^ニ俱勞^一。請仰^ニ

左右京。五畿內。七道諸國司等。不^レ論^ニ土人浪人及王臣^一。檢^ニ錄^一財堪^レ造^レ甲

者。副^ニ其所^一蓄物數及鄉里姓名。限^ニ今年內^一。令^ニ以申^レ訖^一。又應^ニ造^レ之數^一。各令^ニ親

申^ス。臣等職參^ニ樞要^一。不^レ能^ニ默爾^一。敢陳^ニ愚管^一。以煩^ニ天聽^一。奏可^之。

丁巳。授^ニ女孺從七位上物部海連飯主^一外從五位下。

十一月乙丑。勅^シ曰。公廨之設。本爲^レ填^ニ補^一。欠負未納。隨^ニ國大小^一。既立^ニ舉式

而^レ今聞。諸國司等。雖^レ有^ニ欠物^一。猶得^ニ公廨^一。理湏^ニ依^レ法科^レ罪沒^ニ爲^ニ官物^一。但

以下^ニ國司等^一久有^ニ仕宦之勞^一。曾無^レ還^レ家之資^上。今故立^ニ法制^一。宜^レ自^レ今以後。有^ニ舊

年未納欠負者。大國三万束。上國二万束。中國一万束。下國五千束已上。每年徵填。附帳申上。若不據此制。有未納者。返却稅帳。隨事科罪。其當年未納者。一依去天平十七年式填之。

壬申。外從五位下韓國連源等言。源等是物部大連等之苗裔也。夫物部連等。各因居地行事。別為百八十氏。是以源等先祖塩兒。以父祖奉使國名。故改物部連。為韓國連。然則大連苗裔。是日本舊民。今號韓國。還似三韓之新來。至於唱導。每驚人聽。因地賜姓。古今通典。伏望改韓國二字。蒙賜高原。依請許之。

丁丑。辰時地震。巳時又震。

戊寅。勅曰。中宮周忌。當來月廿八日。礼制乍畢。新歲須及。而忌景俄臨。弥切罔極之痛。元正肇啓。何受惟新之歡。興言永悲。不能自忍。賀正之礼。宜從停止焉。

己卯。是日。當新嘗。而為諒闇未終。於神祇官行其事矣。

辛巳。授无位全野女王。正五位下八上女王並從四位下。

丁亥。陸奥國黑川郡石神山精社並為官社。

己丑。授无位藤原朝臣家刀自從五位下。坂東諸國。頻屬軍役。因以疫旱。詔免今年田租。

十二月壬辰朔。詔曰。春秋之義。祖以子貴。此則礼經之垂典。帝王之恒範。朕君臨寓內。十二年於茲。追尊之道。猶有闕如。興言念之。深以懼焉。宜朕外祖父高野朝臣。外祖母土師宿祢。並追贈正一位。其改土師氏為大枝朝臣。夫先秩九族。事彰常典。自近及遠。義存曩籍。亦宜菅原眞仲。土師菅麻呂等同為大枝朝臣矣。

癸巳。從五位上紀朝臣田長為長門守。

甲辰。地震。

庚戌。授常陸國信太郡大領外從五位下物部志太連大成外從五位上。新治郡大領外正六位上新治直大直外從五位下。播磨國明石郡大領外正八位上葛江我孫馬養。下總

國狹嶋郡主帳正八位上孔王「王」部山麻呂並外正六位上。是四人。或居官不怠。頗著効績。或以私物。賑恤所部。貧乏之徒。因而得濟。故有此授焉。

己未。是日。當中宮周忌。於大安寺設齋焉。

辛酉。勅外從五位下菅原宿禰道長。秋篠宿禰安人等。並賜姓朝臣。又正六位上土師宿禰諸士等賜姓大枝朝臣。其土師氏惣有四腹。中宮母家者是毛受腹也。故毛受腹者賜大枝朝臣。自餘三腹者。或從秋篠朝臣。或屬菅原朝臣矣。

是年秋冬。京畿男女年卅已下者。悉發豌豆瘡。【俗云裳瘡】臥疾者多。其甚者死。天下諸國往々而在。

十年春正月壬戌朔。廢朝也。

戊辰。宴五位已上。授正五位下笠王正五位上。无位乙枚王。正六位上守山王並從五位下。從四位下石上朝臣家成。石川朝臣眞守並從四位上。正五位上百濟王仁貞。

正五位下大伴宿禰弟麻呂。藤原朝臣眞友並從四位下。從五位上葛井連根主正五位下。從五位下賀茂朝臣大川。多治比真人乙安。大原真人美氣。巨勢朝臣總成。百濟

王英孫。藤原朝臣繩主。和朝臣三具足。和朝臣國守。紀朝臣楫長。物部多藝宿禰國足並從五位上。外從五位下菅原朝臣道長。秋篠朝臣安人。正六位上佐伯宿禰岡上。

紀朝臣乙佐美。路真人豐長。藤原朝臣最乙麻呂。藤原朝臣道繼。大神朝臣仲江麻呂。布勢朝臣田上。平群朝臣嗣人。大伴宿禰是成並從五位下。正六位上畝火宿禰清

永。安都宿禰長人。佐婆部首牛養。伊与部連家守。清道造岡麻呂並外從五位下。宴訖賜祿各有差。

己巳。典藥頭外從五位下忍海原連魚養等言。謹檢古牒云。葛木襲津彥之第六子曰熊道足禰。是魚養等之祖也。熊道足禰六世孫首麻呂。飛鳥淨御原朝廷辛巳年。

貶賜連姓。尔來再三披訴。一二陳聞。然覆盆之下難照。而向隅之志久矣。今屬聖朝啓運。品物交泰。愚民宿憤。不復不陳。望請除彼舊号。

賜朝野宿禰。光前榮後。存亡俱欣。今所請朝野者。所處之本名也。依請賜之。

庚午。授无位川原女王。吳岡女王。正六位上百濟王難波姬。无位縣犬養宿禰額子。

並從五位下。

癸酉。春宮亮正五位下葛井連道依。主稅大屬從六位下船連今道等言。葛井。船。津連等。本出一祖。別爲三氏。而今津連等幸遇昌運。先賜朝臣。而道依今道等猶滯連姓。方今聖主照臨。在幽盡燭。至化潛運。稟氣歸仁。伏望同沐天恩。共蒙改姓。詔許之。道依等八人賜姓宿祿。今道等八人因居賜宮原宿祿。又對馬守正六位上津連吉道等十人賜宿祿。少外記津連巨都雄等兄弟姊妹七人。因居賜中科宿祿。

甲戌。大秦公忌寸濱刀自女賜姓賀美能宿祿。賀美能親王之乳母也。

丁丑。以中納言正二位紀朝臣船守爲大納言。

己卯。遣正五位上百濟王俊哲。從五位下坂上大宿祿田村麻呂於東海道。從五位下藤原朝臣眞鷲於東山道。簡閱軍士兼檢戎具。爲征蝦夷也。

癸未。以戎五位上賀茂朝臣大川爲伊賀守。齋宮頭從五位上賀茂朝臣人麻呂爲兼伊勢守。從五位下藤原朝臣纒麻呂爲相摸守。從五位下吉備朝臣与智麻呂爲介。近衛將監從五位下池原公綱主爲兼常陸大掾。從五位下藤原朝臣今川爲美濃守。正五位上百濟王俊哲爲下野守。從五位下文室眞人大原爲陸奥介。從五位下安倍朝臣人成爲能登守。從五位下藤原朝臣清主爲丹波介。從五位下布勢朝臣田上爲因幡介。從五位下藤原朝臣岡繼爲伯耆介。從五位下岡田王爲備中守。從五位下大中臣朝臣弟成爲豐前守。從五位上藤原朝臣園人爲豐後守。

丙戌。授外正六位上麻續連廣河外從五位下。以獻物也。

己丑。以從五位下大庭王爲侍從。從五位下大神朝臣仲江麻呂爲畫工正。東宮學士從五位上菅野朝臣眞道爲兼治部少輔。左兵衛佐伊豫守如故。從五位下紀朝臣登麻理爲雅樂頭。外從五位下安都宿祿長人爲主稅助。外從五位下佐伯宿祿諸成爲兵馬正。從五位下塩屋王爲造兵正。從五位下藤原朝臣弟友爲大判事。侍從如故。從五位上橘朝臣綿裳爲宮內大輔。從五位下藤原朝臣大繼爲少輔。正五位下文室眞人波多麻呂爲彈正弼。從五位下御方宿祿廣名爲右京亮。外從五位下阿閉間人臣人足爲春宮大進。從五位上紀朝臣難波麻呂爲筑後守。從五位下和朝臣家麻呂爲內

廐助。

二月甲辰。授正六位上藤原朝臣緒繼從五位下。以從五位上中臣朝臣鷹主爲神

祇大副。從五位下秋篠朝臣安人爲大判事。大外記右兵衛佐如故。從五位上巨勢朝

臣總成爲主殿頭。從五位下路真人豐長爲左京亮。從五位下巨勢朝臣人公爲肥前

守。

乙未。授外正六位上大伴直奈良麻呂。外正八位下遠田臣押人並外從五位下。外從

七位下丈部善理贈外從五位下。善理陸奧國磐城郡人也。八年從官軍至膽澤。

率師渡河。官軍失利。奮而戰死。故有此贈焉。

癸卯。諸國倉庫。不可相接。一倉失火。合院燒盡。於是勅。自今以後。新造

倉庫。各相去十丈已上。隨處寬狹。量宜置之。

辛亥。陸奥介從五位下文室真人大原爲兼鎮守副將軍。先是。五位已上位田身歿

之後。例給二年。如無子者當年收之。至是。無問有子无子。聽同給

二年矣。

三月丙寅。故右大臣從二位吉備朝臣眞・脩。大和國造正四位下大和宿祢長岡等。

刪定律令廿四條。辨輕重之舛錯。矯首尾之差違。至是下詔。始行用之。

己巳。授從五位下高嶋女王從五位上。

丁丑。勅令右大臣已下。五位已上。造甲。其數各有差。其五位殷富者。特

增其數。以廿領爲限。其次十領。

辛巳。以從五位下秋篠朝臣安人爲少納言。右兵衛佐如故。從五位下藤原朝臣道

繼爲大監物。從五位上篠嶋王爲左大舍人頭。從五位下長津王爲圖書頭。從五位

下八上王爲內礼正。從五位下紀朝臣乙佐美爲散位助。從五位上調使王爲諸陵頭

。從五位下巨勢朝臣廣山爲大藏少輔。從五位下乙平王爲造酒正。從五位上廣上王

爲鍛冶正。

壬午。授无位・於宿祢乙女。紀朝臣家主並從五位下。又授外從五位下上道臣千若

女從五位下。

癸未。太政官奏言。謹案礼記曰。天子七廟。三昭三穆与太祖之廟而七。又

曰。舍_レ故而諱_レ新。注曰。舍_二親盡_一之祖。而諱_二新死者_一。今國忌稍多。親世亦盡。一日万機。行_レ事多滯。請親盡之忌。一從_二省除_一。奏可之。

丙戌。仰_二京畿七道國郡司_一造_レ甲。其數各有_レ差。

夏四月乙未。近衛將監從五位下兼常陸大掾池原公綱主等言。池原。上毛野二氏之

先。出_レ自_二豐城入彥命_一。其入彥命子孫。東國六腹朝臣。各因_二居地_一。賜_レ性命_レ氏。

斯乃古今所_レ同。百王不易也。伏望。因_二居地名_一。蒙賜。住吉朝臣。勅綱主

兄弟二人。依_レ請賜_レ之。

戊戌。左大史正六位上文忌寸最弟。播磨少目正八位上武生連眞象等言。文忌寸等元

有_二二家_一。東文稱_レ直。西文号_レ首。相比。行_レ事。其來。遠焉。今東文擧_レ家

既登_二宿祢_一。西文漏_レ恩猶沈_二忌寸_一。最弟等幸逢_二明時_一。不_レ蒙_二曲察_一。歷代之後

申_レ理無_レ由。伏望。同賜_二榮号_一。永貽_二孫謀_一。有_レ勅責_二其本系_一。敢弟等言。漢

高帝之後曰鸞。々之後王狗轉。至_二百濟_一。百濟久素王時。聖朝遣_レ使徵_二召文人_一。

久素王即以_二狗孫王仁_一貢焉。是文。武生等之祖也。於是_二最弟及眞象等_一八人賜_二

姓宿祢_一。

庚子。叙_二越前國雨夜神_一。大虫神並從五位下。

乙巳。叙_二從五位下大虫神_一從四位下。同國足羽神從五位下。

戊申。駿河國駿河郡大領正六位上金刺舍人廣名爲_二國造_一。山背國部内諸寺浮圖。

經_レ年稍久。破壞處多。詔遣_レ使咸加_二修理_一焉。

己酉。授_二從五位下石川朝臣美奈岐麻呂_一從五位上。以_二從五位下藤原朝臣緒繼_一爲_二

侍從_一。

丁巳。車駕幸_二彈正尹神王第_一宴飲。授_二其女淨庭_一。王從五位下。

五月癸亥。大藏卿從四位上石川朝臣豊人卒。

乙丑。天皇以_二天下諸國頻苦_一旱疫。詔停_二節宴_一。授_二无位紀朝臣河内子從五

位下_一。

辛未。大宰府言。豊後。日向。大隅等國飢。又紀伊國飢。並賑_二給之_一。

乙亥。唐人正六位上王希逸賜_二姓江田忌寸_一。情願也。

己卯。右京大夫從四位下藤原朝臣菅繼卒。

丁亥。供_レ奉_二中宮周忌齋會_一雜色人九十六人。隨_二勞輕重_一。賜_レ爵有_レ差。其正六位上者。廻授_二其子_一。二百九十三人賜_レ祿亦有_レ差。

戊子。先_レ是。諸國司等。按_二收常荒不用之田_一。以_二班百姓口分_一。徒受_二其名_一。不堪_レ輸_レ租。又王臣家。國郡司。及殷富百姓等。或以_二下田相易上田_一。或以_レ便。相換_レ便。如_レ此之類。觸_レ處而在。於是仰_二下所司_一。却據_二天平十四年勝寶七歲_一。尋圖籍_一。咸皆改正。爲_二來年班_一。田也。

六月庚寅朔。日有_レ蝕_レ之。

壬辰。供_レ奉_二皇后宮周忌齋會_一雜色人等二百六十七人。准_二前例_一。賜_二爵及物_一各有_レ差。

甲午。從五位下石浦王爲_二越中守_一。從五位下文室真人眞屋麻呂爲_二但馬介_一。

己亥。鐵甲三千領。仰_二下諸國_一。依_二新樣修理_一。國別有_レ數。

甲寅。先_レ是。去_二延曆二年_一下_レ勅。禁_二斷王臣家及諸司寺家等專占山野之事_一。至_レ是。遣_二使山背國_一。勘_二定公私之地_一。各令_レ有_レ界。恣聽_二百姓得_レ共_一。其利。若有_二違犯者_一。科_二違勅罪_一。其所司阿縱_レ者。亦与_二同罪_一。授_二正六位上因幡國造國富外從五位下_一。

乙卯。奉_二黑馬於丹生川上神_一。早_レ也。

秋七月庚申朔。以_二災旱經_レ旬_一。奉_二幣畿內諸名神_一。授_二无位尾張架古刀自從五位下_一。

癸亥。以_二從五位下藤原朝臣葛野麻呂爲_二少納言_一。從五位下紀朝臣真人爲_二中務少輔_一。

一。從五位下石淵王爲_二大監物_一。從四位下當麻王爲_二左大舍人頭_一。脩前守如_レ故。從五位上篠嶋王爲_二右大舍人頭_一。從五位下藤原朝臣道繼爲_レ助。從五位上藤原朝臣刷雄爲_二陰陽頭_一。從四位上佐伯宿祢眞守爲_二大藏卿_一。右大弁從四位上石川朝臣眞守爲_二兼右

京大夫_一。從五位下淺井王爲_二主馬頭_一。丹波守如_レ故。從五位下安倍朝臣名繼爲_二右兵庫頭_一。從五位下大神朝臣仲江麻呂爲_二內兵庫正_一。從五位下橘朝臣安麻呂爲_二甲斐守_一。

壬申。從四位下大伴宿祢弟麻呂爲_二征夷大使_一。正五位上百濟王俊哲。從五位上多治

比真人濱成。從五位下坂上大宿祢田村麻呂。從五位下巨勢朝臣野足並爲副使。

己卯。故少納言從五位下正月王男藤津王等言。亡父存日。作請姓之表。未及

上聞。奄赴泉途。其表稱。臣正月。源流已遠。屬籍將盡。臣男四人。女四人。

雖蒙王姓。以世言。之不殊足庶。伏望蒙賜登美真人姓。以從諸臣之

例者。請從父志。欲蒙願姓。有勅許焉。

辛巳。伊豫國獻白雀。詔。國司及出瑞郡司進位一級。但正六位上者迴授

一子。其獲雀人凡直大成賜爵二級并稻一千束。授國守從五位上菅野朝臣眞

道正五位下。介從五位下高橋朝臣祖麻呂從五位上。

丙戌。停止鷹戶。

丁亥。以從五位上藤原朝臣是人爲右少弁。從五位下多治比真人賀智爲宮内少輔

。右中弁正五位下多治比真人宇美爲兼武藏守。從五位下三方宿祢廣名爲上野守。

從五位下佐伯宿祢岡上爲介。從五位下百濟王忠信爲越後介。從五位下藤原朝臣大

繼爲備前介。從五位下藤原朝臣眞鷲爲大宰少貳。

戊子。外從五位下安都宿祢長人爲右京亮。左中弁從四位下百濟王仁貞卒。

八月辛卯。夜有盜。燒伊勢太神宮正殿一宇。財殿二宇御門二間。瑞籬一重。從

五位下紀朝臣兄原爲中衛少將。出雲守如故。

癸巳。任畿内班田使。

壬寅。詔遣參議左大弁正四位上兼春宮大夫中衛中將大和守紀朝臣古佐美。參議

神祇伯從四位下兼式部大輔左兵衛督近江守大中臣朝臣諸魚。神祇少副外從五位下忌

部宿祢人上於伊勢太神宮。奉幣帛。以謝神宮被焚焉。又遣使修造之。

壬子。攝津國百濟郡人正六位上廣井造眞成賜姓連。

己未朔。九月庚申。從四位下全野女王預孫王例。

癸亥。授陸奥國安積郡大領外正八位上阿倍安積臣繼守外從五位下。以進軍糧

也。

甲子。叙佐渡國物部天神從五位下。

甲戌。仰越前。丹波。但馬。播磨。美作。備前。阿波。伊豫等國。壞運平城宮。

諸門。以移作長岡宮矣。斷伊勢尾張近江美濃若狹越前紀伊等國百姓。殺牛用祭。漢神。

丙子。讚岐國寒川郡人正六位上凡直千繼等言。千繼等先星直。譯語田朝庭御世。繼國造之業。管所部之堺。於是因官命氏。賜紗拔大押直之姓。而庚午年之籍。改大押字。仍注凡直。是以星直之裔。或爲讚岐直。或爲凡直。方今聖朝。仁均雲雨。惠及昆蚊。當此明時。冀照覆盆。請因先祖之業。賜讚岐公之姓。勅千繼等戶廿一烟依。請賜之。

丁丑。近衛將監正六位下出雲臣祖人言。臣等本系。出自天穗日命。其天穗日命十世孫曰野見宿禰。野見宿禰之後。土師氏人等。或爲宿禰。或賜朝臣。臣等同爲二祖之後。獨漏均養之仁。伏望與彼宿禰之族。同預改姓之例。於是賜二姓宿禰。

戊寅。讚岐國阿野郡人正六位上綾公菅麻呂等言。己等祖。庚午年之後。至于己亥年。始蒙賜朝臣姓。是以和銅七年以往。三比之籍。並記朝臣。而養老五年。造籍之日。遠校庚午年籍。削除朝臣。百姓之憂。無過此甚。請據三比籍及舊位記。蒙賜朝臣之姓。許之。

庚辰。下野守正五位上百濟王俊哲爲兼陸奥鎮守將軍。冬十月丁酉。行幸交野。放鷹遊獵。以右大臣別業爲行宮。己亥。右大臣寧百濟王等。奏百濟樂。授正五位下藤原朝臣乙叡從四位下。從五位下百濟王玄風。百濟王善貞並從五位上。從五位下藤原朝臣淨子正五位下。正六位上百濟王貞孫從五位下。

庚子。車駕還宮。壬子。仰東海。東山二道諸國。令作征箭三万四千五百餘具。甲寅。先是。皇太子枕席不安。久不復。是日。向於伊勢太神宮。緣宿禰也。

十一月己未。更仰坂東諸國。辨備軍糧糶十二万餘斛。大藏卿從四位上佐伯宿禰守卒。

六壬戌。授_二播磨國人大初位下出雲臣人麻呂外從五位下。以_レ獻_二稻於水兒船瀨_一也。
八甲子。從五位下藤原朝臣葛野麻呂爲_二右少弁_一。
十一丁卯。皇太子自_二伊勢太神宮_一至。

十二月庚寅。授_二正六位上紀朝臣楯繼從五位下。

八甲午。伊豫國越智郡人正六位上越智直廣川等五人言。廣川等七世祖紀博世。小治田_{〔推古〕}朝廷御世被_レ遣_二於伊與國。博世之孫忍人。便娶_二越智直之女_一生_二在手。々々庚午年之籍不_レ尋_二本源。誤從_二母姓。自_レ爾。以來。負_二越智直姓。今廣川等幸屬_一。皇朝開泰之運。適值_二群品樂_一生之秋。請依_二本姓。欲賜_二紀臣。許_レ之。

十丙申。讚岐國寒川郡人外從五位下佐婆部首牛養等言。牛養等先祖出自_二紀田鳥宿祢_一。田鳥宿祢之孫米多臣。難波高津宮御宇天皇御世。從_二周芳國_一遷_二讚岐國。然後。遂爲_二佐婆部首。今牛養幸藉_二時來。獲_レ免_二負擔。雲雨之施。更無_レ所_レ望。但在_二官命_レ氏。因_レ土賜_レ姓。行_二諸往古。傳_二之來今。其牛養等居處在_二寒川郡岡田村_一。臣望。賜_二岡田臣之姓。於是。牛養等戶廿烟依_レ請賜_レ之。外從五位下岡田臣牛養爲_二大學博士。外從五位下麻田連眞淨爲_二助教。伊勢介如_レ故。從五位下紀朝臣楯繼爲_二刑部少輔。外從五位下清道造岡麻呂等。改_レ造賜_二連姓_一。癸卯。授_二從四位下八上女王從_二三位。從五位上多治比真人邑刀自。紀朝臣若子並從四位下。

續日本紀卷第卅

〔御本奥記〕

本云

應長第一年蕤賓十八日終一部抄出之功竟

從四位上行神祇大副卜判

永正十二年七月十三日以兼滿朝臣相傳本終一部書功者也

老槐散木判 六十一歲

〔官本奥記〕

本云

應長第一年蕤賓十八日終一部抄出之功畢

從四位上行神祇權大副卜判

永正十二年七月十三日以兼滿朝臣相傳本終一部書功者也

老槐散木判 六十一歲 兼夏

〔卜本奥記〕

延文元年丙申六月日修補之

正四位上行神祇大副卜部兼豐

應永第三之曆沽洗初一日取目錄訖

正三位行侍從卜部朝臣兼熙

治部卿卜部兼敦

〔岡本保孝攷文卷首凡例〕

一卜 本

一官 本

右兩本楓山書庫所藏也此本並出於延文中卜部兼豐所修補者應永中卜部兼熙就兼豐氏本寫之其後兼敦者所傳寫今假謂之卜本兼夏者所傳寫今假謂之官本此二人官銜年代宜就卜部氏譜系而檢之以多事未果也

一トイ本

一官イ本

右兩本是卜本官本之舊校今假謂之トイ本官イ本

以上全用塙檢校保己一之所校也予未目擊此本

一鴨 本

一一 本

右狩谷掖齋氏所藏本〔流布印刻本〕之舊校也此本之系所校之人並未詳

一類 聚 類聚國史也

一 紀 略 日本紀略也

一 格 類聚三代格也

一 扶 桑 扶桑略記也

以上四種亦掖齋氏本之舊校也間有掖齋氏手校者今不識別焉

一 掖齋氏多年隨見而攷證者若干條今採錄其要別爲一冊謂之附錄

文政己丑冬新寫卒業他日宜就各書原文而再閱對校

岡本保孝識

〔小中村博士藏本奧記〕

安政二乙卯年二月四日以岡本保孝攷文加頭書傍注

同戊午年七月廿日以内藤氏校本及村尾氏考證再訂

小中村清矩

〔谷森氏舊藏校本朱奧記〕

以山田以文校本校之

此書四十卷以長野在麻呂之秘本一校畢禁他見者也

享保八歲次癸卯仲夏念一

總州菊間八幡宮神主大炊頭從五位下平朝臣判

以或本再校之

天保二年三月

伴 信 友

同二年以一貴庫古本校完【稱飛本校語爲尸】

以日本記略校者校語爲略

天保十四年七月以小野高潔狩谷望之所校本重校完

信 友 七十一歲

全部四十卷以伴老人之校比校本功遂于時寒夜將鶴筆手已龜

弘化四丁未年十一月廿九日曉

谷 森 種 案

〔同青書〕

隨所見書入了

種 万 都

〔明曆三年印本刊記〕

題續日本紀後

本朝有六國史。曰日本紀。曰續日本紀。曰日本後紀。曰續日本後紀。曰文德實錄。曰三代實錄是也。蓋此書也。上始自文武天皇丁酉。下終於桓武天皇延曆十年。而通計。亘帝王九主。及年九十餘歲矣。其間。外顯朝廷之行事。內詳人臣之進退。國家之消息。百官之褒貶。豈不審于茲哉。今書肆兩三輩。欲鏤諸梓。需僕校讐。僕一介之書生。未能達其旨。至若

本朝如斯之書。往往傳寫。三已豕亥之差。殆非無矣。自非博識強記。爭應其求。雖然一覽之次。粗點其傍。便於幼學。衍文殘字甚多。庶幾有道之士證焉。是予所望也。

明曆丁酉秋日

立野春節書于蓬生菴